



**Peqqissutsimut Naalackersuisoq  
Landsstyremedlem for Sundhed**

Inatsisartunut ilaasortaq  
Ruth Heilmann  
-/maani

**Inatsisartunut ilaasortamut Ruth Heilmannimut, Siumut, § 36, imm. 1  
naapertorlugu apeqqutaanut allakkatigut akissuteqaat.**

**Napparsimasunut peruluttunut sivisuumik Qallunaat Nunaanniittariaqartunut  
ilaqutaasut qanigisat tikeraarneranni inissiisarfittaarnissaannut  
periarfissinniarlugit Naalackersuisut tapiissuteqarnissaat pillugu  
Naalackersuisunut apeqquteqaat.**

10. september 2009

Postboks1160  
3900 Nuuk  
Oq/tel +299 34 50 00  
Fax +299 32 55 05  
PN@gh.gl  
[www.nanoq.gl/pn](http://www.nanoq.gl/pn)  
[www.peqqik.gl](http://www.peqqik.gl)

Inatsisartunut ilaasortap apeqqutaanut qujavunga, aamma innuttaasut  
perulunnartumik sivisuumillu napparsimasut Qallunaat Nunaannut  
katsorsartikkartornerminni pitsaanerusumik atugaqalernissaannut  
soqutiginninnut.

Apeqquteqaat imatut aallartippoq: *"Peqatigiiffiup "Nunarsuaq nunarsuaatillugu  
napparsimasoqartuassaaq (NNN 2008)" suliniutaasa ilagaat Qallunaat Nunaanni  
peruluttut sivisuumik katsorsartittareri ilaqutaasut qaninnerusut tikeraarnerini  
inissiisarfittaarnissaannik suliniuteqarneq. Taamatut suliniuteqarneq qanoq  
annertutigisumik Naalackersuisutigut tapersorsoneqarpa? Peqatigiiffik aamma  
qanimut qanoq suleqatigineqarniarpa?"*.

Malitsigitillugu apeqqutit marluk apeqqutigineqarput:

1. **Taakkua anguniarneranni Naalackersuisut qanoq annertutigisumik  
tapersiippat?**
2. **Peqatigiiffik taanna qanoq qanitsigisumik suleqatigineqarpa?**

Ad 1.

Napparsimaruluttut qanigisaminnik najorteqaraangamik napparsimasumut  
sivisuumillu katsorsartittariaqartumut qanoq tamatuma peruluttumut  
iluqaataatigisarnera Naalackersuisut ilisimaarilluarpaat. Naalackersuisut maanna  
imatut inissisimapput, tassalu aningaasaliissutaasunit - peqqinnissaqarfimmu  
immikkoortinneqarsimasunit - katsorsartikkumasut amerlassusaat naapertorlugit  
naammattumik aningaasaliivigineqarsinnaanatik, tamannalu suliaritittussatut  
utaqqisut amerliartuinnarnerannut ersiutaavoq, ilaatigut seeqqulertittussat  
siffialertittussallu kiisalu tusilartunik pilattaanerit eqqarsaatigalugit. Maannakkut  
aningaasaqarnikkut killiliussaasut iluini angalanermi ingiallorteqartarnermiit  
napparsimasut suliaritinnissaat pingaartinneruneqassasoq Naalackersuisut  
isumaqarput.

Oqaluuserisassani immikkoortut 8, 19, 36 aamma 47 napparsimasut ingjallorteqartarnissaannut tunngasuni 2008-mi ukiakkut Inatsisartut ataatsimiinneranni napparsimasut ingjallorteqartarnerat pillugu nassuiaasiortoqarpoq. Nassuiaammi tassani naatsorsuusiarineqartut takutippaat napparsimasut peruluttut ingjallorteqartarnerannut aningaasartuutit - inatsisitigut aalajangersakkat saniatigut - ukiumut kr. 70 millionit missaanni amerlassuseqarsinnaasut. Aningaasat maannangaaq Naalackersuisut aningaasaliissutaasa iluini pissarsiarineqarsinnaanngitsut, peqqinnissaqarfiup iluani napparsimasunik sullissineq arlaatigut ilanngartuiffingngikkaanni.

Peqqissutsimut Naalackersuisoqarfik Københavnip kommunianut ataavartumik attaveqartarpoq. Attaveqarnek, napparsimasunut Qallunaat Nunaanni napparsimavimmiittunut qanigisaasut tikeraarnermini pitsaanerusemik atugaqartitaanissaat siunertaralugu.

Peqatigiiffiup NNN 2008-p tapersersornissaanut Naalackersuisut piareersimapput, assersuutigalugu peqatigiiffiup suliniarnerani tapersersuinikkut.

Ad 2.

Naalackersuisut peqatigiiffik NNN 2008 pisortatigoortumik suleqatiginikuunngilaa, kisiannili peqatigiiffik sukkulluunniit saaffiginnikkaluarpat tikilluaqqullugu, soorluttaaq aamma maannakkut napparsimasut peqatigiiffiisa arlaliusut naapeqatigisarnissaannut pilersaaruteqareersoq.

Neriuppunga naammaginantumik akissuteqarfigalutit soqutiginninninnullu qujavunga.

Inussiarnersumik inuulluaqqusillunga

Agathe Fontain  
Naalackersuisunut ilaasortaq